

Ո Ր Ո Շ ՈՒ Մ

Ճանապարհային ոստիկանության վարչական իրավախախտման գործի վերաբերյալ
24.06.2020թ. կայացված թիվ 00217-38 որոշումն անփոփոխ, իսկ վարչական բողոքն առանց
բավարարման թողնելու մասին

<< 11 >> 08 2020թ. 7-13- 9317

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս,
վերանայելով Կարեն Ասատրյանի ՄԴ/87442-20 դիմումի քննարկման արդյունքում ստեղծված
նյութերը՝

Պ Ա Ր Զ Ե Ց Ի

Երևան քաղաքի Ռուսթավելու փողոցի 80 տան բնակիչ Կարեն Ասատրյանը դիմումով
խնդրել է բեկանել Ճանապարհային ոստիկանության վարչական իրավախախտման գործի
վերաբերյալ 24.06.2020թ. կայացված թիվ 00217-38 որոշումը՝ նշելով, որ համաձայն չէ
որոշմամբ արձանագրված իրավախախտման հետ: Միաժամանակ հեռախոսակապի միջոցով
հայտնել է, որ դիմումին ավելացնելու ոչինչ չունի:

Դիմումի քննարկման արդյունքում պարզվել է, որ վարչական իրավախախտման գործի
վերաբերյալ 24.06.2020թ. կայացված թիվ 00217-38 որոշումը ենթակա է կատարման հետևյալ
պատճառաբանությամբ.

Վարչական իրավախախտումների վերաբերյալ ՀՀ օրենսգրքի 182.3-րդ հոդվածի 1.1 մասի
համաձայն՝ արտակարգ իրավիճակի հիմքով հայտարարված արտակարգ դրության
ընթացքում ազատ տեղաշարժվելու պայմանները, պահանջները խախտելը՝ առաջացնում է
տուգանքի նշանակում՝ սահմանված նվազագույն աշխատավարձի տասնապատիկի չափով:

Հայաստանի Հանրապետության ողջ տարածքում կիրառվող ժամանակավոր
սահմանափակումների վերաբերյալ պարետի 03.05.2020թ. N63 որոշման 7-րդ կետի
համաձայն՝ ՀՀ տարածքում պարտադիր է հանրային բաց վայրերում դիմակի առկայությունը,
իսկ անձնական օգտագործման մարդատար և բեռնատար տրանսպորտային միջոցներում՝
դիմակ կրելը, եթե վարորդից բացի մեքենայում առկա է առնվազն մեկ ուղևոր:

Ուսումնասիրությամբ պարզվել է, որ 24.06.2020թ. Երևան քաղաքում քաղաքացի Կարեն
Ասատրյանի վարած ավտոմոբիլը կանգնեցվել է Ճանապարհային ոստիկանության ուղեկցող
սպայական վաշտի 3-րդ սպայական դասակի ավագ տեսուչ, ոստիկանության կապիտան
Ա.Խաչատրյանի և նույնդասակի ավագ տեսուչ, ոստիկանության մայոր Ս.Շահումյանի կողմից՝
Հայաստանի Հանրապետության պարետի 03.05.2020թ. N63 որոշման 7-րդ կետի պահանջի
խախտման համար, այն է՝ վարորդը անձնական օգտագործման մարդատար տրանսպորտային
միջոցում չի կրել դիմակ ուղևորի առկայության պայմաններում: Վարչական
իրավախախտումների վերաբերյալ ՀՀ օրենսգրքի 182.3-րդ հոդվածի 1.1 մասով կայացվել է
վարչական իրավախախտման գործի վերաբերյալ թիվ 00217-38 որոշումը:

Ճանապարհային ոստիկանության ծառայողների կողմից տրված պարզաբանման
համաձայն՝ քաղաքացի Կարեն Ասատրյանի կողմից կատարված իրավախախտումը
հիմնավորող տեխնիկական միջոցների կիրառմամբ ձեռք բերված ապացույցներ առկա չեն,
սակայն իրավախախտումն եղել է անմիջապես իրենց տեսադաշտում, ակնհայտ և պարզ
տեսանելի, ինչի կապակցությամբ կազմվել է համապատասխան արձանագրություն և
կայացվել թիվ 00217-38 որոշումը: Միաժամանակ ոստիկանության ծառայողները հայտնել են,

որ իրենց և վարորդի միջև ծառայողական բնույթի խոսակցություններից բացի այլ խոսակցություններ չեն եղել:

Այսպիսով, դիմումատուի արարքում առկա են Վարչական իրավախախտումների վերաբերյալ ՀՀ օրենսգրքի 182.3-րդ հոդվածի 1.1 մասի հատկանիշները, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման գործի վերաբերյալ 24.06.2020թ. կայացված թիվ 00217-38 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Կարեն Ասատրյանին և Ճանապարհային ոստիկանության ուղեկցող սպայական վաշտ:



Ե. Կարապետյան

Կատարող՝ Ա. Միրզոյան
Հեռ. 011-54-47-83